

Láhka

luossabivddu mearreáigásaš giieldimis Deanu čázadagas

Riikkabeivviid mearrádusa mielde mearriduvvo:

1 §

Deanu čázadaga guolástangiieldu

Luossa (*Salmo salar*) lea ráfáidduhtton čuovvovaš Deanu čázadaga luossagoargŋunviidodagain:

- 1) Deanu váldooali, Anárjoga ja Skiehččanjoga viidodagat, main Suoma ja Norgga váldegotti rádji manná;
- 2) Buolbmatjávri, Gálddašjohka Luovosvárjoga njálmmi rádjái, Badje-Buolbmátjohka Badjegoržži rádjái, Luossajohka Luossajávri rádjái, Morešveaijohka njeallje kilomehtera bajás luoitinsajis Badje-Buolbmátjohka rádjái sihke Skihpajohka vuosttas luobbala rádjái;
- 3) Veahčajohka Veahčajávri rádjái ja Váišjohka Váišluobbala rádjái;
- 4) Ohcejohka Mierašjávri rádjái, Čársejohka Liŋkinjohnjálmmis 10 kilomehtera bajás ja Geavu Fiellogáhjoga njálmmi rádjái;
- 5) Goahppelašjohka Birkejohnjálmmi rádjái, Birkejohka Badjegoržži rádjái sihke Goaskinjohka Goaskinjávri rádjái;
- 6) Njiljohka 13 kilomehtera nuppi juovahatgietti rádjái;
- 7) Áhkojohka goržži rádjái;
- 8) Gáregasjohka vihtta kilomehtera Luopmošjohnjálmmis bajás.

Ovddabealde 1 momeanttas dárkkuhuvvon luosa bivdin ja vuovdin lea ráfáidduhttináigge gildojuvvon.

2 §

Gildojuvvon bivdobiervasat

Guollebivdu čuovvovaš luossabivdobiervasiiiguin ja čuovvovaš bivdobiervasiid čázis doallan lea gildojuvvon 1 §:s namuhuvvon luossagoargŋunviidodagain

- 1) joddu ja meardi;
- 2) njáŋggofierbmi; mii lea dárkileappot meroštallon Suoma ja Norgga gaskasaš soahpamuša guollebivddus Deanu čázadagas (SopS 42/2017) čuvvosa guolástannjuolggadusa 21 ja 23 §:s; sihke
- 3) golgadat.

3 §

Ealáhus-, johtolat- ja birasguovddáža spiehkastatlohpi

Ealáhus-, johtolat- ja birasguovddáš sáhtta ovttaskasdáhpáhusas dieđalaš dutkamuša dadje geavada iskosiid várás miđihit lobi spiehkastit dán lágas mearriduvvon giellduin luossabivdui. Lohpi ferte leat ákkastallon guollemáddodagaid suodjaleami dahje ceavzilis anu ovddideami várás.

4 §

Gubbeluosa (ruoššaluosa) bivdu

Gubbeluossa bivdui álgi ferte almmuhit fidnus Lappi ealáhus-, johtalus- ja birasguovddáži mearreáiggi siste ovdal čuoziuvvon gubbeluosa bivdui (*Oncorhynchus gorbuscha*) álgima. Almmuhussii galget gullat dieđut fidnu ovddasvástideaddjis, govvádus fidnus ja biervasiiin, mat das geavahuvvojit, sihke mo fidnus gáržuduvvojit nu uhccin go vejolaš luosa (*Salmo salar*) bivdosii báhcima riskkat.

Fidnus ferte raporterejuvvot Lappi ealáhus-, johtalus- ja birasguovddázii mearreáiggi siste fidnu nohkamis. Raporta galgá doallat sisttis sálašin fidnejuvvon gubbeluosaid mearis ja oalgesállašis.

Fidnus almmuheami ja fidnus raporterema mearreáiggiin, fidnoalmmuhusa ja raporterema dárkilit sisdoalus sihke fidnu hilguma ákkain addojuvvojit dárkilit njuolggadusat eanan- ja meahccedoalloministerija ásašusain.

5 §

Bearráigeahččoeiseválddit ja guollebivddu bearráigeahččit

Dán lága doahttaleami bearráigeahččet:

- 1) boles;
- 2) Rádjegozáhus;
- 3) guolástanlága (379/2015) 19 §:s dárkkuhan guolledoalloeiseválddit;
- 4) Meahciráđđehusa hálddašan stáhta čáhceviidodagain Meahciráđđehusa meahccedárkkisteaddjit ja dat Meahciráđđehusa virgeolbmot, geaid bargun lea guolástanáššiid dikšun; sihke
- 5) guolástanlága (379/2015) 103 § mielde dohkkehuvvon ja seammá lága 107 §:s dárkkuhuvvon fápmudusa oamastan guollebivddu bearráigeahčči.

6 §

Luosa guolástangiielddu rihkkun

Gii vásedin dahje fuollameahttunvuodas rihkku 1 dahje 2 §:s mearriduvvon gielddu ferte dubmejuvvot *luosa guolástangiielddu rihkkumis* sáhkku.

7 §

Massinčuovvumuš

Dat, gii lea áššáiduvvan 6 §:s dárkkuhuvvon dahkui ja váldán sálašin luosa, galgá dubmejuvvot massit stáhtii árvvu, mii das šlájás ovddasteaddjin lea.

Massinčuovvumušain mearriduvvo dasa lassin rihkuslága (39/1889) 10 logus.

Luosa árvvuš šlájás ovddasteaddjin mearriduvvo guolástanlága (379/2015) 119 § vuođu addojuvvon eanan- ja meahccedoalloministerija ásašusas.

8 §

Fápmuiboahhtin

Dát láhka boahhtá fápmui miessemánu 1 beaivve 2023 ja lea fámus juovlamánu 31 beaivvi 2023 rádjái.

342/2023

Helssegis 3.3.2023

Dásseválddi presideanta

Sauli Niinistö

Eanan- ja meahccedoalloministtar Antti Kurvinen